

KULANKA 3AAD EE ZÚME QORAALKA MUUQAALKA

Injiilka

Kulankan, waxa aannu ku baranaynaa sida QISOORYINKA ILAAH loo wadaago ee ah - Injiilka - Abuurista iyo Xukunka, ee bilowgii aadanaha illaa iyo dhammaadka waqtiga. Waxaa jira qaabab badan oo Qisooyinka Ilaah loo wadaagi karo.

Qaabka ugu wanaagsani waxa uu ku xidhan yahay hadba dadka aad la wadaagaysid iyo aragtidooda ku aaddan caalamka iyo waayo aragnimadooda nololeed.

Ilaah waxa uu adeegsadaa qalbiyada raba in ay la wadaagaan oo la shaqeeyaan qalbiyada doonaya in ay maqlaan.

Waa Shuqulkiisa. Waxa uu inoogu yeedhayaa in aan kula soo xidhanno.

Mid ka mid ah waddooyinka Warka Wanaagsan ee Ilaah dadka loola wadaago ayaa waxa ay tahay iyada oo la sheego qisada Abuuristii illaa Xukunka - laga soo bilaabo bilowgii Aadanaha illaa laga soo gaadho dhammaadka waqtiga.

Marka aan Ilaah Qisadiisa sidan oo kale u sheegayno, waxaan awood u yeelanaynaa inaan u sheegno, si dheer ama si gaaban, si faahfaahsan ama si dulmar ah balse ku xidhan dhaqanka qofka maqlaya.

Si aad caawimaad ugu yeelatid in aad Qisooyinkiisa ku sheegtid dhaqanno kala duwan iyo aragtiyada caalamka, waxaad barataa dhaqdhaqaaqa gacmaha oo kaa caawinaya sida wax loo barto loona baro.

Waa tan Ilaah Qisadiisa ah Warka Wanaagsan -

“Bilowgii, Ilaah waxa uu abuuray caalamka iyo wax walba oo ku dhex jira. Waxa uu abuuray NINKII UGU HORREEYAY iyo NAAGTII UGU HORRAYSAY. Waxa uu iyaga dhex dhigay beer qurux badan. Waxa uu ka dhigay sidii kuwo qoyskiisa ka mid ah oo XIDHIIDH KU DHOW ayuu la lahaa. Waxa uu iyaga u abuuray si ay weligood u noolaadaan. Wax dhimasho ahi maysan jirin.

“Meeshan kaamilka ah dhexdeeda, ayaa Aadanuhu Ilaah uga fallaagoobeen oo DEMBI iyo SILIC ayey caalamka keeneen. Ilaah waa uu ka CIQAABAY Aadanihii beertii dhexdeeda. Xidhiidhkii u dhexeeyay Ilaah iyo Aadanaha waa uu BURBURAY. Markan Aadanuhu waxa ay mutaysteen DHIMASHO.

“Boqollaal sannadood ayaa Ilaah adduunka usoo dirayey RASUULLO. Waxa ay Aadanaha u sheegayeen dembigooda iyo iyo sidoo kale Ilaah aamminnimadiisa iyo ballankiisa ah inuu adduunka u soo dirayo BADBAADIYE. BADBAADIYUHU waxa uu soo celin doonaa xidhiidhkii aadka isugu dhawaa ee Aadanaha iyo Ilaah. BADBAADIYUHU waxa uu Aadanaha ka SAMATA

BIBIN doonaa dhimashada. BADBAADIYUHU waxa uu aadanaha siinayay NOLOSHA WELIGEED iyo inuu weligood la joogo.

“Ilaah aad buu inoo jecel yahay oo waqtigii ku habboonaa, ayuu Wiilkiisii u soo diray kaasoo ah BADBAADIYAHA.

“Ciise wuxuu ahaa Wiilka Ilaah. Wuxuu ka dhashay bikrad adduunka dhexdiisa. Nolol kaamil ah ayuu ku noolaa. Marna muusan dembaabin. Ciise wuxuu dadka baray wax ku saabsan Ilaah. Mucjisooyin badan ayuu sameeyay isaga oo muujinaya awooddiisa. Jinniyo badan ayuu saaray. Dad badan ayuu bogsiiyay kuwii indhaha la’aa ayuu araggoodii furay. Kuwii dhegaha la’aa ayaa wax maqlay. Kuwii cuuryaanka ahaa ayaa socday. Ciise xataa kuwii dhintay ayuu sare kiciyay.

“Hoggaamiyeyaal badan oo diineed ayaa Ciise u HANJEBAY oo u cadhooday. Waxa ay doonayeen in ay dilaan. In kasta oo uusan weligiis dembaabin, haddana kama uusan tegin in uu dhinto. Balse waxa uu DOORTAY inuu noo dhinto oo uu WAAQDHAAC inoo inoo noqdo innaga. Dhimashadiisii xanuunka badnayn waxa ay dabooshay dembiyadii Aadanaha. Markaas kaddib Ciise xabaashii ayaa lagu aasay.

“Ilaah wuxuu arkay madaxfurashadii uu Ciise sameeyey waana uu aqbalay. Ilaah waxa uu aqbalaaddiisii ku muujiyey Isaga oo Ciise maalintii saddexaad dhimashadii ka sare kiciyay.

Haddii aan qalbiyadeenna ka rumaysanno in Ciise ka sare kacay dhimashadii, oo aan aqbalno inuu yahay Rabbigeenna – Maammulaheenna iyo Boqorkeenna – Waan badbaadaynaa. Haddii aan rumaystayaal nahay waxa aan jidkeennii dembiga lahaa ka soo laabanay markii magaca Ciise nalagu baabtiisay, biyaha lagu dhex aasay ama nala geliyay, oo aan dabeecaddeennii hore la dhimanay, oo aan biyihii ka soo sare kacnay sidii uu Ciise ba uga soo sare kacay dhimashadii, oo aan nolol cusub ku helnay raacistiisa. Ilaah waa uu inaga cafinayaa dembiyadeenna waxa uuna inoo soo dirayaa RUUXIISA QUDDUUSKA ah si aan Isaga uraacno, oo waxa uu dib inoogu soo celinayaa xidhiidhkiisii ku dhawaa ee qoys ahaaneed mar make.

“Markii Ciise uu dhimashadii ka sare kacay, 40 maalmood ayuu dunida joogay. Ciise wuxuu dadkiisii baray in ay meel walba tagaan oo ay warkiisa wanaagsan ee badbaadadiisa u sheegaan qof kasta oo adduunka dushiisa jooga.

“Ciise waxa uu yidhi, - Taga, oo quruumaha oo dhan XER ka DHIGA, oo ku BAABTIISA magaca Aabbaha iyo Wiilka iyo Ruuxa Quduuskaa, oo BARA inay dhawraan wax walba oo aan idinku amray, oo bal eega had iyo goor ayaan idinla joogaa xataa ilaa wakhtigu dhammaado. Dabadeed iyaga oo arkaga ayaa Ciise samda loo qaaday.

“Maalin, ayaa Ciise usoo LAABAN doonaa si la mid ah sidii uu u tegay. Waxa uu XUKUMI doona kuwii aan Isaga jeclaan ee aan addeecin. Oo waxa uu abaalmarintooda siin doonaa kuwa aan jeclaan ee aan addeecin. Wuxuu ku noolaan doonaa samo iyo arlo cusub.

“Waxaan QAATAY oo aan AQBALAY madaxfurashadii uu Ciise iiga sameeyay dembiyadaydii. Wuu i jecel yahay, aanna waan jeclahay oo weligay ayaan boqortooyadiisa ku jeclaan doonaa.

“Ilaah wuu ku jecel yahay oo waxa uu doonayaan inaad sidoo kale heshid hadiyaddan imminka. Ma doonaysaaa inaad middan hadda samaysid?